

粵東勦匪紀略

下

廣東勦匪紀略


溫州府圖書館

粵東勦匪紀畧卷五

錢唐陳坤子厚



侯官鄭洪漕禹臣



山陰王雲書縵鄉叅訂

同治四年正月初一日遊擊李元順一軍馳至雲霄助勦

各兵勇氣百倍賊敗入城

是時逆熖鴟張約計三四十萬潮漳交界無總隘可

扼江南炮隊及浙師圍迫汀漳匪必竄粵卓興所

部在恩平已獲客匪首惡餘眾就撫調赴東江策

應

是月中旬卓興督押客民至恩平唐勞地方詎恩開

二縣土人設萬全等局抗阻地方官竭力開導土

勇沿路擄殺客民四百餘名復撲官軍營盤卓興

見勢猖獗親督精銳馳援土勇望風而靡亦不窮
追將客民全數安插那扶等處

廣西岑溪縣與羅定西甯等州縣昆連岑溪縣屬之
河洞有賊首陳日升混名兩頭口股匪兩千餘人
踞該縣古眉羊額股匪千餘人勾連河洞攻踞會
村大埕匪首羅阿光藤縣匪首霍十八等共三千
餘人陷岑溪曇谷等處與西甯縣屬泗綸替瀆相
距數十里匪黨多結洪家會欲圖分竄飭副將曾
敏行帶敏字營勇一千名馳赴羅定西甯防勦復
飭駐防南雄之陽江鎮總兵任星元帶勇一千名
督辦

十六日羅定州知州周士俊副將曾敏行會同都司
林隆祥進攻筋竹墟各勇踰濠擲火連奪賊柵兩

層匪距內柵林隆祥先登炮傷暫行收隊駐紮秧
 地探知匪首陳日升在筋竹壩旁之石井村
 十七晚周士俊等密派紳士梁以文等攻破石井村
 陳日升遁入壩中
 十八日曾敏行周士俊分為兩路一由壩後攻炮樓
 一由壩前撲賊壘時賊修外柵未竣我軍以火箭
 射入火發賊自相踐踏陳日升遁回古眉生擒羅
 進慶等三名斬殺燒斃甚眾筋竹賊巢掃盪而逆
 首陳日升羅阿光在古眉大壩分佈黨羽出擾榕
 樹古萬冬村羅定一帶仍未安定
 十九日方耀之軍行抵上杭由千家村進剿該逆橫
 竄白沙石碣思抄我軍之後欲乘虛竄粵方耀即
 督隊由上杭水西繞赴卓鞋嶺當風嶺邀擊

二月初三日廣西博白陸川等縣匪徒江甲鱗即江二

大等竄踞化州屬合江墟劫掠立柵為久計又有

踞匪蔡七大李阿撈為之煽動人心惶惶知州張

欽泰調集紳團防護城池守備張汝泰募東莞勇

五百名軍功黃子斌募勇五百名州判郭遠昌紳

士彭步瀛等管帶鄉練由合江墟後兜勦又募土

勇五十人混賊中為內應

初五日張欽泰督勇圍攻匪出拒敵墟內火發知內

應已舉各軍併力攻破賊寨生擒逆首江甲鱗及

蔡七大之弟蔡十二并夥匪二百八十名餘匪向

廣西逃去又在城外盤獲內應奸細江亞六等八

名張欽泰等分路跟追

是日方耀派守備方恭由上杭東門渡河進攻白沙

知府方勳守備謝廷楠由北門渡河出草鞋嶺夾
擊守備林才帶勇救應方燿親督守備方鰲等襲
攻石碣

初六日黎明直抵石碣匪眾萬餘出敵我軍鎗炮齊
施方鰲陷陣轟擊斃匪七百餘名正酣戰間白沙
匪回援石碣我軍全隊亦至方勳等帶領洋鎗隊
併力圍攻破石碣賊眾狂奔跟追三十餘里斬殺
黃衣長髮偽頭天福呂朝興偽縵天福楊石保偽
禪天福呂李穰偽拔天燕曾雅任等及偽先鋒十
五名生擒賊目鍾職等並長髮老賊首級一百九
十四顆其潛伏林麓焚燒無算餘匪越嶺而逸救
出難民千餘奪獲騾馬四百餘匹旂幟器械並偽
印三顆偽照四件平毀官庄迴龍塚木才溪樸樹

石碣等處賊巢

其南陽之逆全股竄併白沙營壘林立鄭紹忠駐紮

峯市周陞駐紮蜈蚣渡堅營嚴扼

是日化州張欽泰追至平定墟天井地方匪竄池姓

祠內堅守于瓦背分佈銃械以抗張欽泰等積薪

祠外乘風拋擲火礮有匪突出擒獲何信大李九

油何亞翠等十餘名餘為灰燼全股殲除

信宜逆首李可鍾盤踞六荷地方黨羽甚眾時值廣

西岑溪股匪陳日升倡亂李可鍾姪李河娘李長

腰潛往充夥令李一貫張貼偽示乘機起事信宜

縣黎正春督同紳士陳觀泰招集兵勇驟出六荷

擊獲李可鍾等但陳兩頭口河垌窮威李河娘李

長腰導藜新勝塞又邀集大南南渡股匪霍十八

等以圖報復由安鵝小路竄至東鎮分三路撲犯
縣城經黎正春等擊匪遁回東鎮副將曾敏行一
軍由西甯馳赴信宜援勦並在籍廣東提督馮子
材挑募兵勇在信宜羅定之交督辦李河娘等水
口築圍欲圖久踞水口離信宜城僅十五里

初八

日方耀派守備方鰲等由上杭末門潭頭上渡
河候選知府方勳等由潭頭下渡河分頭進攻白

沙遇賊于茶地方鰲等斃賊四百餘名陣斬偽鉅

天安陳悃輝偽御林護駕列王黃姓生擒十三名

奪獲戰馬四十八匹旂幟炮械什物甚多該匪狂

奔我軍追殺十餘里收隊

初十

日羅定州周士俊與曾敏行派令都司盧滿江
紳團陳世章沈應芳分道先攻古眉匪即迎拒正

在慶戰忽大埕逆首羅阿光率黨來援古眉之匪亦分股由後色裏賊多馬隊勢頗危急適曾敏行策應由小路繞出古眉之南紳士梁以文黃亨衢督帶練勇出古眉西同時趕到鎗隊伏擊馬逸陣亂匪潰入巢曾敏行等以羅阿光率眾來援其大埕必虛可乘機直搗

十一

一日周士俊等飭令陳龍書等在古眉附近嚴陣以待令陳總挑選精銳伏大埕左右統大隊繼之斃賊無數大埕巢破羅阿光由古眉回救我軍於花肚截殺賊不及防驚潰而遁周士俊曾敏行復率勝師回攻古眉陳日升聞大埕破亦遁回白河洞雲胎老巢賊屯軍資雲胎之旁曰何家寨聚賊為犄角實兩粵關鍵欲攻河洞必先破雲胎欲破

雲胎必先取何家寨當飭陳世章沈應芳率勁勇
分攻寨內炮樓甚多匪等踞樓放炮我軍未能迫
近隨令勇練於是晚各負柴草乘風縱火陳龍書
督帶兵勇於煙缺之中奪焚何家寨三座匪眾遁
歸雲胎我軍圍拋火箭火毬外委梁佐升衝入炮
傷左膝抵死不退賊力不支翻山竄入河洞攻克
雲胎曾敏行周士俊密飭劉金華等進攻河洞
是日花旗股匪由小路竄入大埔縣屬之維新漳溪
等處縣城危甚守備蘇鎮超遊擊王傳訓等分督
兵勇截勦副將方耀叅將林保都司鄭紹忠亦由
閩界跟踪馳援同抵大埔賊由湖寮白埃竄走
十五日羅定劉金華等行抵筋竹坳遇賊伏衝殺生
擒偽先鋒韋書學龐錫居等平燬炮樓五座

十七日劉金華等紮營離河垌里許之磨刀坑該逆

蜂擁來衝劉金華盧滿江陳龍書陳聰洪滿榮韋

奇文等鼓噪而出躍馬衝賊手刃執旂賊目潰竄

回巢周士俊曾敏行亦分督親軍至磨刀坑

十八日信宜逆匪李河娘等率黨數千攻信宜縣城

東西北三門又分股由山背繞河口竄鎮隆黎正

春令高營兵丁嚴守城門紳士李徽華領壯丁伏

河口山嘴約會鎮隆練丁分路出敵石根練勇趕

至應援六承團丁由後路截擊匪等返犇其潛攻

鎮隆之匪亦被我軍擊敗高廉道吳秀高州府瑞

昌派守備陸之龍陳德銑把總陸能富等各率勇

練趕到

是日逆首丁太陽率匪萬餘由朱家山後二斷嶺下

分路來撲饒平縣屬柏嵩關勢極兇猛守備李瑄
芳等督率各隊兵勇迎敵鄉團助勦生擒賊匪十
一名我軍鎗炮如雨匪黨由三斷嶺下而逃
是月內潮防緊急集司李福泰由龍川馳抵潮郡規
畫機宜以固濱海門戶

汪逆大股歸併漳州粵東邊防趨重饒平大埔一路
李臯司派鄧安邦方吉等軍越境馳援詔安以通
何雲章一軍固潮南門戶副將林保一軍專扼柏
嵩關遊擊吉瑞一軍專扼老虎關南澳澄海各海
口嚴密布置惠潮道鳳安亦商請前西甯鎮總兵
黃朝恩募勇馳紮黃岡之分水關一帶
十九日羅定州周士俊等派都司盧湍江由左路出
訓導陳龍書由中路出守備劉金華生員高錫鈞

由右路出曾敏行周士俊督陣為諸路接應河峒
 踞逆勢如潮湧曾敏行身先士卒連斃悍賊數名
 各軍奮勇鎗炮環施匪即閉柵死守平毀炮樓三
 座礮擒奪獲甚多曾敏行復乘賊驚餒漏夜勦襲
 即派陳龍書盧滿江曾光漢劉光華高錫鈞陳璵
 梁以文黃亨衢傅世魁等分隊疾進三更齊抵河
 峒於柵外點放火箭炮轟柵倒各軍殺入匪奔無
 路死者甚眾曾敏行見巢破狂犇知逆首必在其
 中繞後路截殺生擒賊目何仲厚等七十八名所
 獲器械馬匹偽印六十餘件餘逃南渡黎木等處
 時值信宜匪首李可鍾滋擾即令曾敏行一軍赴
 援並回籍廣西提督馮子材挑募兵勇馳赴信宜
 羅定之交督辦

二十四日信宜逆匪李河娘大股出犯陸能富等迎敵匪分股抄襲陸能富適後路兵勇起至合攻始敗

二十六日李河娘糾約南渡逆首曾五劉二等徑撲石根堡响水公豹嶺等卡練紳陳仕邦等設伏以待該匪甫至雙頭地方練勇圍擊截匪隊兩段生擒首逆歐柱九等九名轟斃偽軍師楊姓一名又豐埔東鎮踞匪焚擄雲岫堡一帶該處練紳林吳珍等擊退

三月初三日副將曾敏行統帶勁旅由羅鏡馳抵信宜縣境以水口迫近縣城必先克復則豐埔東鎮諸匪不能久踞方謀紮營望天洞扼其要衝李河娘已分股佔住望天洞陸氏冼氏祠內曾敏行令各

卷五

營直攻陸氏祠該逆出拒我軍列陣小山坡洗氏
祠之匪亦出救應曾敏行直前冲突李逆由陸氏
祠後毀垣而逸黎正春由北橋岸塘馳勦過水口
援賊迎擊敗之乘勢直迫水口賊閉柵以拒是夜
曾敏行督令各軍以柵鎗急進火色藥礮焚其外
柵曾敏行斬闕直入匪猶力拒內柵地勢狹仄督
陣官陳添潤施放火箭內柵亦焚李河娘奪路狂
奔與東鎮股匪合併

是月初五日賊匪開鑿地道攻陷詔安縣城知縣趙
人成死之潮郡又失一重外敵臬司李福泰患潮
道鳳安聞警激勵諸軍扼守隘口乘賊布置未周
迅圖克復
初七日信宜曾敏行等趕至東鎮先派一營于金垵

地方埋伏以杜南里大股援賊分飭各軍三路進
勦東鎮之匪分踞六賀六蒙沙洞等處我軍踏平
賊壘克復東鎮餘匪由白石向岑容所屬之大南
一帶竄去其豐埔賊巢亦經雲岫扶三等堡紳團
攻克餘匪竄踞牛王坪曾敏行等派撥兵勇合同
克復生擒七百餘人內有逆首歐九劉二陳大尉
偽軍師楊姓偽都督李晚偽先鋒王三聘偽司馬
張十八偽指揮邱二等我軍陣亡隊長哨官張勝
新等及各營兵練二百餘人信宜境內安輯其南
渡水文一帶縱橫數十里賊壘如林
初九日詔安踞城逆匪二千餘人來撲章朗鄉鄧安
邦等分路抄截陣斬黃馬褂賊目一名生擒四名
是年春間靈山縣知縣王振榮會合西軍進勦克復

南鄉大廟等處旋有孫逆股目利積邦等分踞靈山之楊屋村馬甲那灣大平等處大肆猖獗廉州府戴肇辰忝將刁上樞募勇一千三百名王振榮募勇一千一百名於三月初九日分路進勦立破楊屋大平兩巢

十五日黃朝恩督同方文方吉兩軍由西路進揚有鑿督練由東路進鄧安邦全部由中路進直抵龍公山前賊冲出接仗我軍奮殺至詔安縣城下奪獲大白旗數十面

十九日黃朝恩會集諸軍猛攻詔安踞逆鄧安邦偵知賊有埋伏先出奇兵擊敗賊伏各軍三面已抄匪勢披靡

漳州踞逆尚與官軍相持潮之饒埔兩城勢甚吃緊

自大埔至柏嵩關為北路隘口十餘處稍大者為
湖寮風朗鴨母坑深圳各地方自柏嵩關至柘林
沿海為南路隘口亦十餘處最大者三饒柏嵩關
為上饒老虎關為中饒分水關為下饒老虎關與
柏嵩關相距差遠中間迤迤分岐又以朱家山為
衝要李福泰挑選精銳約分三路饒之柏嵩關為
中路正當漳州之衝大埔界內至風朗為北路以
當康逆老虎關以南為南路以當詔安雲霄各股
責成卓興方耀翟國彥三軍各當一路水路調派
水師緝私巡船雇募頭猛船分別防守澄海縣屬
之南北港大埔縣屬之三河壩
是日廣西提督馮子材馳抵信宜派總兵關松志前
紮貴子墟飭留駐泗綸都司盧湍江移營貴子進

勒逆首李河娘陳日升潛聚嘉蓋王狂七家副將
曾敏行以岑溪由子墟聚匪甚多與南渡水文均
為嘉蓋後路遂由白石進至水文地為賊教十年
來未見官兵紳民皆訝天降隨同殺賊道南渡股
匪為西軍擊敗水文賊勢稍孤遂趨併由子墟偽
都督吳春標偽軍師尹紀率眾添築木柵砲台東
西對峙以鄧公潭梁兩廟為外巢楊昌淵房屋為
內巢負固以抗曾敏行自領親軍攻潭梁廟訓導
陳龍書率勇攻鄧公廟外委李廷桂等帶鄉導勇
伏於賊巢後接應鏖戰三時都司馮勝標率勇搃
迫潭梁廟下砍斷木柵生擒偽軍師何德勝及匪
黨張十九等五十一名東邊砲台上喊聲突起各
匪擁護一賊詢知為偽都督吳春標各勇直前拏

獲生擒二十餘名匪入內柵親兵楊星擢用洋鎗連攻匪亦對放曾敏行胸前左手背均被炮子各哨弁勇攻破砲台殲匪七百餘名生擒偽領軍梁亞洪偽先鋒朱子佩等十五名匪黨一百零五名田子村賊巢平

二十四日詔安踞逆四五千人攻撲詔東莆尾梅洲等鄉圍與雲霄漳州各逆聯為一氣

二十五日都司鄧安邦守備方文方吉等乘賊衆稍分各率所部直撲詔安縣城焚燬稅廠

二十七日鄧安邦復派各營斬柵而入踏平詔安城外賊營數座逆首丁太陽率死黨自城內撲出其分擾莆尾梅洲之匪折回抄截我軍之後鄧安邦等飭大隊馳往夾擊都司楊有望揮軍橫截賊陣

斬殺騎馬紅衣賊目一名警弁方五坐馬受傷飛
步衝殺手及賊目一名賊即散流入城大炮從城
上轟擊我軍仰攻半日始行收隊

是日馮子材等由由子移營偵緝信宜逆首李河娘
等下落知仍在王狂七家巖論王狂七之胞兄王
五烈網送訓導陳龍書督勇馳赴嘉益以防潛逃

四月初一日信宜縣民王五烈將李河娘陳日升及逆

黨二十餘人交出李河娘解赴馮子材行營陳日
升解赴羅定州周仕俊行營訊明正法守備陸龍

芝等督率各路鄉練搜捕殲匪五百餘名生擒九

百餘名並獲偽將軍潘常興偽都督潘元濟黃六

等三名推陳英元即獨角牛匿在排阜關口地方

偽稱五元帥為羅定積年巨寇總兵關松志副將

曾敏行督軍前往密飭該處武生陳進魁等購線
引弩

初四日關松志等將陳英元擒獲解赴馮子材行營
處決王嘉益著匪王狂七陰結死黨依山立寨久
為匪類淵藪添築牆濠炮台

初五日曾敏行督同都司盧滿江等圍攻嘉益王狂
七等于牆孔施放鎗炮我軍未能得手由者解到
炸炮及羅定州城大炮安放墟中日夜攻擊將渠
外土壘木柵攻平渠內死黨仍堅守不出查訊生
擒各犯云渠內尚有偽都督張大眼二及其子張
庭芳輪流開炮拒敵立通地埋伏地雷
初八日靈山王振榮等進攻馬甲殺賊四十餘名生
擒匪首楊有發等十三名收復靈山西鄉之那峯

那五林基那透一帶並獲髮匪五十餘名利積邦

等適入那灣廣平適王振榮受代去接署知縣馮

詢添募勁勇并函邀千總曾遠輝由廣西來

初九日康逆大股突至永定縣屬大溪一帶距大埔

縣城八十里方耀鄭紹忠扼要嚴防

初十日平和逆匪傾巢而出直犯拍嵩關副將林保

進擊

十二日康逆由大溪擾及蘇邊地方我軍巡哨適至

鎗斃數名賊始驚退

十三日康逆由蘇邊竄至距大埔十五里之小靖鄉

方耀鄭紹忠分西路迎勦鄭軍先抵小靖見賊象

三萬餘人前隊皆薙髮穿忠勇二字號衣欲潛入

鄭營混襲鄭紹忠即派徐桂祖顏全劉順昌三隊

向前衝殺自督馬隊并鄭潤材梁五全陳達等折
回色擊陳達以連响洋鎗斃騎馬賊目七名徐桂
祖見後軍得手併力攻突賊遂由演上演下竄去
鄭軍乃與方軍合進至三層嶺下斃賊甚眾
十四日方鄭兩軍齊抵五通廟賊眾數萬分九隊突
撲鄭營鄭紹忠嚴飭各軍不得先動及賊迫近鎗
炮齊施轟斃無數賊即狂奔復會同方耀督飭都
司方鰲守備方如等合力追勦又派守備蔡申譚
先謝廷楠方敬侯王正敬庭等左右抄殺斃賊六
七百名賊之另股從後掩襲將方鰲等已裹方鰲
坐騎中鎗徐桂祖顏金均身受數槍適方耀赶到
揮令洋鎗隊連珠施放親率馬隊橫衝入內方鰲
等乘勢突出重圍各軍勇氣百倍陣斬黃衣賊目

四名生擒髮逆陶光緒一名殺獲無算我軍收隊
回營已逾三鼓復慮該逆劫營于兩軍抽派精勁
協守五通廟營盤並飭駐紮該處之梁五全陳達
兩營嚴備派補用遊擊方彩候補都司方意等駐
紮三河壩以防竄嘉之路遊擊林詩成等防守縣
城西北千總劉順昌等防守縣城東南其在城文
武登埠守禦四鼓後方鄭兩軍出抵五通廟設伏
十五日黎明時候偽康王偽平東王自率大隊來撲
復分黨由兩傍山後包過我營數里勢如潮湧方
耀鄭紹忠飛諭各營堅壁以待賊眾蜂擁至前我
軍鎗炮颯發各路伏兵疾起鉛彈如雨方鰲等洋
鎗馬隊分路邀擊賊死傷如積方軍斬獲偽九門
御林天將曹曹等首級六顆長髮首級五十二顆

生擒黃紹等十三名鄭軍斬獲賊首四十三顆大小旗幟一百餘件該逆猶拼死抵拒另分股繞由黃沙下馬湖僻路突薄縣城被劉順昌開炮擊退復由楊桃坪山徑撲及西門被守城弁勇圍練併力攻禦逆眾乃紛紛奔竄三層嶺黃沙車上漳溪屯紮康逆退紮忠坑

是

日副將潘其泰曾敏行督勇取松毛稻卓迫嘉益賊棚焚燒各軍大呼有自拔禾歸及擒賊首逆者予以厚賞匪黨爭先逃散各勇擁入棚內王狂七與兩妾以火藥自焚守備楊昌雲率各弁爭先入棚均陣亡潘其泰督勇攻入將張大眼二張庭子等二十五名一並擒斬王狂七之兄王五烈五緒及一妻一子均被把總陳聰等獲解交西甯縣王

狂七逆屍梟首示眾尚餘岑溪縣屬木式一股為
最巨而古厘孔任等處為之羽翼

康逆大股疊次攻撲大埔縣城均為方鄭兩軍擊退

十六日復由礮上攻大埔城之東門鄭紹忠督飭

劉順昌等馳往迎勦賊退回南山由手挑圩再導

西門方耀派林詩成等洋鎗隊進攻擒斬多名

二十日康逆由漳溪繞撲五通廟營盤方鄭兩軍鏖

戰伏砲齊發方鰲等左右衝殺斃賊數百名生擒

十六名

二十四日康逆分竄虎頭沙石下壩青溪摺灘蚺蛇

渡等處意圖偷渡經徐桂祖邀截殺傷甚多

平和逆匪經官軍擊敗後仍踞城拒守嗣聞軍收復

漳州各逆遂奔聚平和境內待逆大股再由平和

直犯饒平二十六日林保派千總楊浮嚴守朱家
山以防後路都司張周明等帶隊由左路進把總
謝大高等帶隊由右路進親率巡檢陳彬守備林
武烈等由中路進饒平縣謝樹棠亦督帶勇練趕
至適福建提督高連陞統領閩兵併力夾攻賊由
北路長樂墟逃逸平和縣城收復高連陞派兵駐
守我軍鎗斃偽永天福和天預等四名搜獲偽印
四顆生擒悍匪九十餘名潮州鎮翟國彥乘敗匪
奔竄督同遊擊戴朝佐等於白土等處沿途截殺
該匪即狂奔永定一路與康逆合
侍逆大股與各城踞匪偽陸王偽利王偽平東王等
二十餘萬眾由平和橫出小溪至漳溪黃沙大靖
一帶與康逆大股屯踞百餘里烽火連天

卷之五

十四

二十九日方耀鄭紹忠分督諸軍由山徑繞抵蘇邊
適侍逆自漳溪漫山遍野而來馬隊殿後慄悍異
常方耀鄭紹忠候補知縣王炳文等督令洋鎗馬
隊橫衝突擊方鰲等從旁抄殺陣斬騎馬縵衣賊
目兩名陳瑞燾等揮兵馳突鎗炮齊轟斃賊二三
千名賊棄馬奔逃忽雷雨泥濘顛崖墜澗無數生
擒三百五十六名內有偽天將潘大用林開國陸
建萊等十一名奪獲騾馬器械不計其數直追至
閩境下洋忠坑五十餘里始行收隊
詔安踞匪疊經官軍攻勦勢漸窮蹙
是月翁源縣屬之利陂塘地方有匪徒冷洪古等糾
合長甯遊匪至六里鄉會聚擄劫翁源縣張興烈
礮下汎把總曾向陽英村汎外委刁文龍督帶兵

勇圍捕該匪等特衆抗拒知縣張興烈被戕把總
曾向陽外委刁文龍亦被傷即飭駐紮南雄之陽
江鎮任星元會同南韶鎮道督率弁兵查辦陸續
擒獲首要徐洪古等四十二名懲辦
濱海如香港澳門等處接連外洋向為逋逃淵藪兼
以金陵克復之後逆黨李世賢汪海洋等竄入福
建汀漳各屬密通粵疆不無奸商匿匪私連洋鎗
火藥米布接濟四月間派員前往香港稽查有偽
森王六千歲侯玉田即侯管勝於金陵散後由上
海潛至香港上環地方開設全成泰店假生意為
名私運軍火糧食為賊耳目正在擒捕有東莞縣
人氏陳鎮傑於咸豐四年在上海販貨行至福山
江口為侯逆擄劫入船旋即隻身脫逃克線認擊

會商英國領事香港公使密派記名總兵補用副將陳擇輔侍同廣協都司保應熊等捕獲解省盡法懲治

五月初一日黃朝恩何雲章鄧安邦等各率隊伍由北

路烏山溪東一帶攻擊殺斃甚眾詔安縣城克復

各路竄匪盡沿閩省邊界奔逃與康侍諸大股會

合撤永定之圍直趨上杭

雲霄之匪竄越平和副將林保督率千總楊浮伏兵

大溪鄉截擊殺斃偽進王劉逆偽天將多名生擒

偽利王朱逆之叔朱德興及逆黨七百餘人

初二日詔安之匪向溪東竄走黃朝恩督同千總邱

石等分為三隊並鄉團追截生擒賊匪二十三名

時昏暮大雨賊屯詔屬之太平墟

初三日防守老虎關遊擊吉瑞等以太平壩相近前
往攻擊黃相奎帶隊先至長徑口埋伏舉人王澤
等帶勇從官寨嶺抄出都司林春行抵太平壩斬
巡哨悍賊二名追至下河黃相奎會合林文炳武
舉王三重鄉團兇攻黃相奎身先士卒擊斃賊目
三名斬匪二百餘名生擒五十四名賊折向秀象
竄百花洋

初四日賊至峽子崎饒平縣謝樹棠遊擊李元順等
率勇夾攻殺賊四十餘名賊由山路逸出茂芝地
方副將林保派千總楊淳率所部扼守朱家山以
固犯饒之路派都司張周明等帶領精銳至下善
山作疑兵都司鄭紀勳等帶隊伏於茂芝鄉以防
後路親率候選知縣林大年巡檢陳彬守備林武

烈等欄頭奪殺逆眾十三隊死拒林保激勵各軍
衝突茂芝鄉團繼至殲匪二千餘名生擒偽和天
燕陳得勝等七十餘名逆首丁太陽由第三溪逃
去

初五六日各匪復齊集在船鄉總兵翟國彥督領遊

擊王傳訓等帶隊至張公凹迎擊千總翁朝升方

賞兩軍分路包抄殺賊數百名生擒十餘名翟國

彥恐匪分竄令千總黃大光等馳往吊流嶺扼守

要隘賊果蜂擁而來黃大光先生擒執旗賊目搜出

偽照二張係新天燕偽朝將吳新有陣斬騎馬賊

五名生擒二十一名賊竄白堠我軍前後攔截賊

不知路徑迫至沐渡河邊溺斃二千名生擒偽

朝將胡永新偽先鋒何大發等三百二十三名餘

匪由蓋溪竄至漳溪漳溪與大埔毘連匪方耀大營甚近

初七日方耀派都司方熬等帶隊出三層嶺擊其前

都司陳胤等帶隊由下馬湖中路截擊自領大隊

由黃沙漳溪掩襲其後殲賊不計其數追至永定

屬陳東坑陣斬偽天將汪傳根等五名首級一百

五十餘顆生擒二百六十六名殘匪竄至永定屬

塔脚地方又經閩兵殲擒餘黨逃歸康逆聚集上

杭縣屬之爐峯安鄉上都中都一帶該處接壤鎮

平先是四月二十九日五月初三初六等日賊至

相灘蚶蛇渡黃坑口搭造浮橋希圖偷渡經都司

周陞等擊退賊復由上杭繞道至大姑灘渡河開

入鎮平縣境

鄭紹忠聞賊渡河由峯市拔隊馳抵洪山寺

十五日鄭紹忠進紮新鋪賊分兩路而來當即驅軍

疾趨見有大龍旗數面排列數千人即派鄭潤材

等率勇過河以塞其衝劉順昌等帶隊為前鋒徐

桂袒等伏隊謝村松林內自督親兵馬隊策應前

鋒甫及慈溪該逆直撲劉順昌等迎殺龍旗隊三

千餘人如風雨驟至劉順昌佯退入謝村賊眾追

入鄭紹忠率馬隊抄出賊後殺龍旗賊目兩名伏

兵齊起劉順昌折回復戰三面夾攻斬首級六十

八顆驟馬器械多件賊見水迫當我軍過河時鄭

潤材等已開仗獲勝臣九玲村會合全軍直抵三

圳墟各匪竄走兵勇爭先追殺生擒殿左三旗偽

帥曾天夷偽領軍蘇秉輝大燕及髮逆三十一名

提訊曾天夷等均供向隸某逆部下與康逆會聚

一處待逆李世賢於永定渡河時聞大埔敗潰自
刎餘歸康逆現屯上都象洞
是日霆字營叛勇由湖北擾及江西南安府屬竄至
樂昌九峯地方離龍郡九十里北江一水建瓴而
下徑趨省會東由仁化至始興則翁源長甯俱震
西由宜章臨武窺連州則連山四會皆動飄忽無
定一月內橫竄四省飛飭任星元部勇由南雄赴
韶防守遊擊湛恩帶勇赴樂昌截擊叅將朱國
雄遊擊梁瓊帶勇赴韶聽南韶鎮衛佐邦調遣靖
安營總兵王朝治副將張貴帶炮船在曲江英德
一帶河面扼堵
十六日霆營叛勇撲至風門坳鵝頸坳樂昌縣葉金
同營弁擊退

三圳墟敗匪由山僻潛抵鎮平縣城外圍攻鄭紹忠

聞鎮平被圍會商嘉應州程培霖都司周陞等各

率部勇鄉團星馳赴援

十八日鄭紹忠親督張權等洋鎗馬隊由下黃徑進

顏金等隊由神岡渡赴白村先勒穀倉之賊劉順

昌等隊搗大路背賊巢周陞督勇由三圳潛行余

得標與紳士李學恂等率勇練度九曲嶺先掃羊

蕉湖小樂兩處賊卡斃匪百餘名至穀倉與顏金

周陞等會合殺賊千餘周陞生擒偽天將一名斬

首級一百餘顆賊竄歸西路顏金等追至瀝橫岡

高處先佔地勢鄭紹忠大隊將抵城下天尚未明

聞喊聲鼎沸馳至城東與劉順昌併隊至東城望

見西城被地雷轟裂二丈餘賊擁入缺口知縣龐

見西城被地雷轟裂二丈餘賊擁入缺口知縣龐

掌運身中教鏡見援軍大至洞開各門鄭紹忠馬
隊由東門入李學恂練勇由南門入顏金在高處
視賊所向施放火炮各鄉團練伏西門外夾攻賊
由西北狂奔顏金等馳下橫岡冲斷賊教百名
各軍追至分水四斬殺無算生擒二百八十三名
賊由鐵坑望平遠武平而竄鄭紹忠等正擬跟進
康逆復率中都等處踞匪傾巢出犯
十八九日寔營叛勇大股攻樂昌縣城城外鹽埠民
居盡被佔踞知縣葉金率練登城開炮轟賊生擒
悍匪陳壬駐一名匪即退紮城外修築土城以絕
援兵紮造木排以圍下竄
二十日康逆大股自高思南坊越嶺分四路來撲東
南五里營盤另股自斜溪橫竄大路背營盤鄭紹

忠派鄭潤材等迎擊九曲嶺一股自統洋鎗馬隊
直扼斜坑梁五金徐桂祖紮西北下黃等路以衛
縣城鄭潤材由五里亭直撲周陞從旁橫擊賊隊
來愈多色衰我軍數重方股由松山北山橫岡全
峯等處分襲西北營盤鄭紹忠回救血戰所向披
靡徐桂祖梁五金身受重創大呼殺賊與勇目黃
初等十餘人冲入賊陣手刃賊匪數十名賊最傷
之同時被害鄭紹忠見賊復分黨欲渡三河壩急
帶勇衝出與周陞等隊回紮新鋪賊於是日闌入
鎮平縣城

二十一日寔營叛勇四面攻樂昌縣城知縣葉金極
力抵禦城中火藥將盡存亡呼吸適南韶鎮道派
恭將張維貴等炮船馳至遇賊蛇筒灘鎗炮齊施

匪即退竄各船疾進炮聲不絕湛恩榮陸路軍到
躍馬當先衝入賊隊城中鼓噪相助鏖戰三時擊
倒騎馬賊目二名匪即避入土壘是夜張維貴湛
恩榮張承恩於三更後潛刻賊營噴筒火箭並發
張維貴張承恩當先攻入湛恩榮督隊繼進左右
衝突匪狂奔仁化一路而遁適任星元派遊擊任
玉田督兵抵韶城湛恩榮跟踪追勦任玉田徃仁
化迎頭截殺

二十一日康逆等自鎮平分撥乘遠經都司鄧安邦
等擊退賊大股馬隊由較場山後孫騰上城我軍
轟斃騎馬賊目數名賊始潰退
二十三日康逆等至栗石再犯大柘鄧安邦梁仕光
等攻破賊營四座大獲勝仗

上... 卷五

二十四日曾敏行由嘉益板營先派訓導陳龍書帶

勇同岑溪縣景星分勅水汶一路親督都司盧滿

江等用大炮連破賊營

二十四夜湛恩崇追至距仁化十里之大肚嶺任玉

田由韶赶到距仁化縣城三里之麻坑寔營叛勇

已進迫仁化縣城是夜湛恩崇督率部勇居中任

玉田店右千總廖正魁居左分三面夾擊自辰至

卯賊渡河而逃城圍遂解生擒偽太平忠義陶雲

致等二十五名

二十五日寔營叛勇竄至仁化曲江始興交界之黃

坑地方該處鄉團擒斬偽太平忠義田永才等二

名搜出偽諭二紙匪由南雄百順長實頭村馬市

一帶逸去湛恩崇會同管帶星宇營叅將彭觀濤

...

並任玉田兩軍沿途追勦由僻路山徑遁去

是日靈山縣馮詢會同刁士樞先趨廣平途次獲奸

細三名訊悉賊情刁士樞帶勇分堵西幫馮詢曾

遠揮馳抵廣平

二十六日馮詢等分路進攻廣平等處股匪抗拒連

日環擊盪平那灣廣平兩巢匪竄馬鞍洞

二十八日建營叛勇由奇仙竄至河傍水淺偷渡至

馬子四該處至古泉三十里古泉至南雄亦三十

里由古泉旁竄通江西信豐龍南等縣該匪兇悍

皆百戰之餘借欠餉為名騷擾教省韶州南雄沿

邊一帶仍嚴密堵防

是日康逆率黨下竄五星橋迫近松口總兵翟國彥

督所部分三路進勦自統親兵及潮陽軍由梅嶺

卷之五

亭中路而進遇賊五星橋犇斃其眾賊由獅前坪
籃坊一路遁回

其上犯州境之匪於二十六日授及白渡千總楊淳

擊走之二十七日賊至五里坪圍撲石奉往營盤

副將林保擊退二十八日賊焚槍長田烏坑

各鄉紳士李學恂等擊走之

閏五月初四日旁竄興甯之匪自平遠壩頭直撲興屬

老虎嶺知縣周連甲督同營團迎擊追至黃泥坪

初五日鄧安邦會同各軍進攻石正賊營賊教萬出

拒鄧安邦黃連安首先領隊衝入平蛟石正前面

九嶺茶園賊巢

初七日突有霆營叛勇潛入和平龍川交界之江廣

亭初十日抵興寧所屬十三都司羅浮地方黃添

元鄧奮鵬兩軍駐紮龍川鄭紹忠移駐老隆卓興
駐軍興甯縣城以杜內犯及回竄之路抽撥方耀
勁旅二千人馳赴龍虎墟會商吳贊誠約同鄭紹
忠等乘其初至亟圖撲滅

十二日靈山縣馮詢等攻破馬鞍洞生擒首逆黃大

珍等及夥黨二百餘名軍聲大振鄉民隨以替友

那律等八村先後求撫即挑精壯隨軍立功

康逆採知嘉應防軍稍單十八日傾巢分撲白渡石

峯徑營盤都司周陞以五百人守白渡副將林保

以二千人守石峯徑賊萬餘圍攻白渡周陞堅壘

轟擊殲斃偽天將林揚等六名生擒偽都尉陳占

魁另股紅旂賊復由布荆窩突至周陞伏勅兵掩

殺李藩司派參將戴朝佐督軍往援賊走老墟我

軍乘夜伏地雷營外十九日賊復至地雷轟匪不
 計其數賊始遁去其圍撲石峯徑之賊約五六萬
 人林保抽調四營勇扼守前山花旂股匪首先衝
 突我軍鎗斃騎馬賊目二名紅旂賊續至千總鄭
 紀勳躍馬衝出中鎗而歿黃旂股匪甚眾另由石
 扇翻山抄襲直迫濠邊鉛彈如雨都司楊仁千總
 林恩王點俱死之賊重圍以困各營鉛藥已盡林
 保潰圍而出退紮象村路口以扼州城之路賊仍
 紛至適方耀自龍虎塘折回李藩司令速赴援星
 馳前進方勳手放洋鎗斃騎馬賊目一名方金馳
 入賊隊斬殺大旂賊目一名林保亦合攻賊大敗
 向新鋪而去十九日匪由石峯徑三坑黃竹洋分
 三路撲象岡營方耀派方鰲等帶隊抵三坑方如

等帶隊抵黃竹洋方勳等仍向石峯徑迎擊自領
親軍在象村策應三路同時接仗方耀馬隊由石
峯徑夫擊賊勢披靡匪知中路敗斷歸路相繼潰
退方如驅軍至黃竹洋賊走退守新鋪墟餘道鎮
平縣城

花旂一股近與康逆雖而為二欲乞撫而疑懼李藩
司即派幹員馳赴龍川相機辦理仍飭鄭紹忠嚴
備以待

康逆汪海洋盤踞鎮平結連營叛卒分三十餘壘百
十里內相望為固守

花旂股首於龍長交界雉雞籠鐵場等處遣黨投誠
叅將林才親赴賊巢諭令繳械該匪藉詞推宕總
兵卓興副將戴朝佐等移紮岐嶺進勦

二十一 二十四等日曾政行等攻破古厘孔任羅凭

三處賊巢擒獲首匪謝時泰偽先鋒梁昭漢等反

匪黨三十五名陳龍書與景星進勒水文

六月初一日曾政行等平毀附近之大南垌埕符坑石

屋寨生擒要逆陳訣鍾禮盛李十五仔等將水文

收復尚有偽營主李福昌五糾集餘燼屯聚大坡

初十日陳龍書同都司李得勝擒獲要逆陸毓芳一

名眾匪奪路弄竄李得勝轉身迎戰被炮子穿胸

倒地外委張光耀救護陣亡陳龍書揮軍力殺生

擒十一名擊斃匪首陸毓茂並焚其巢

靈山縣馮詢等於初六七等日圍攻米綿村各匪走

併官塘初九至二十六日督勇輪攻官塘小嶺等

處一律掃平於是屯陳等處大小三十餘村計丁

口三四萬雜髮歸團推那線一村特援多路險與
那扶等渠連結未下刁士樞專勒那扶曾遠輝專
勒那線馮詢率鄉練分投接應

二十日 鐵場踞匪竄至長樂縣屬之羅島四知縣渠

資源會同留防都司黃添元紳團鍾光昭等迎敵
陣斬偽朝將林成春生擒四十七名各逆徑撲岐
嶺戴朝佐等率部殺賊甚眾及騎馬賊目二名匪
遁鐵場

七月初一日戴朝佐各營進攻鐵場該逆大股迎拒我

軍抄墟後賊敗潰追殺數里掃平鐵場鯉嶺竹園
圍漣坑四處逆渠賊回屯雉雞籠

初二日鄭紹忠督軍進勒谷前卓興合攻雉雞籠大
獲勝仗匪竄長樂闌入縣城各軍跟勒

康逆汪海洋被我軍擊退後迭次出犯武平巖前一
帶閩軍屢勦獲勝匪仍回守鎮平寔營叛卒竄慈
溪鄉高田等處特康逆為接近獲奸細供稱康逆
有嘉應竄出之意李藩司派都司鄧安邦副將林
保等扼要以防方耀及福建候補道康國器進紮
新鋪及高思地方逼近鎮城約同進攻並分間匪
黨之勢時有偽天將譚富率眾三千餘人自鎮平
逸出康逆追截譚富走抵大營雜髮歸誠羊繳軍
械李藩司飭選精銳八百名留營効用
初八日廣西知縣許德荃等管帶東勇到信宜
十一日曾敏行督率各營進攻木式遇雨收隊
十五日花旂餘逆李新有等竄踞龍川屬之李步地
方張奎元張發等扼石坑賊敗奔赤岡

長樂花旗股匪閉城拒守不出十七日卓興督親軍
紮城北未定賊率黨三千餘人來犯卓興派都司
莫善喜等帶勇橫抄其後自率勁旅從右截勦夾
攻斃匪無算是夜卓興派莫善喜在附城山嶺趕
築炮樓斷東門出入之路賊率悍黨千餘出撲莫
善喜施放炮火擲擊該逆拚命力衝卓興帶部啣
枚疾趨從後突入賊始駭潰

十八日卓興復令守備林進陞於長樂城北山上添
築炮樓下視城內瞭如用炸炮轟斃不少

是日曾敏行等軍合攻木式毀文昌閣賊巢生擒逆
匪卓福有等七名賊歸併木式

二十五日長樂花旗踞逆大隊從東門擁出副將鄭
紹忠馬隊由南門外並河田各營同時馳衝卓興

從松岡邀殺叅將戴朝佐已革都司黃添元鄧奮
鵬由雷公墩出隊知縣栗資源帶鄉團橫抄各軍
殺獲甚多並偽王旂六面是夜偽列王黃宗保遣
人進城赴鄭紹忠營前請降商同卓興飭令立功
自効

二十七日亥刻陔聞城內殺聲鼎沸我軍列陣以待

黃宗保率二百餘人從南門奔出各匪跟追鄭紹
忠以抬鎗接應黃宗保呈出偽列王木印即薙髮
繳械卓興交鄭紹忠安插

二十九夜卓興挑精銳一千名伏長樂東門外厝仔
邊乃分隊佯攻炮台匪開東門出援伏擒偽列王
洪桂芳等六名於五更約會鄭紹忠戴朝佐同時
兜攻炮台內屯匪千餘殲滅賊閉門拒守我軍通

監雲梯各隊賈勇先登偽天將林振揚同許明升
等繼城乞降縛獻偽萊王陸得順並殺逆黨百餘
名

三十日曾敏行督率各營于二鼓時候銜枚疾進直

搗中堅火箭噴筒連環拋射賊仍卷戟力拒我軍

進至木式半街賊從街後翻逃擒獲要逆陳社養

偽先鋒何亞添及夥黨十八名救出難民無數餘

向班扣一路竄去時鎮平為康逆所踞飭調曾敏

行一軍駐防南雄岑溪餘孽令廣西道員蔣澤春

督同地方官搜捕

八月初一日長樂花旗逆眾全行薙髮繳出偽印黃馬

褂軍械等件收復長樂縣城酌選精銳充當頭敵

帶赴鎮平勦辦康逆餘皆遣散

初三四等日忽有西匪甯丕順等來援靈山殘匪馮

詢派壯勇五百人埋伏要路自領壯練攔擊伏兵

截殺生擒甯丕順黃宇觀餘匪逃回

刁士樞曾遠輝等自九月至十月暗襲明攻那線一

巢窮感自縛歸誠那扶一巢始終死拒

康逆率眾逃至石正大柘方耀慮其內犯興長督隊

越慈溪防橫逸已羊副將林保平鎮營都司周陞

各帶部勇鄉團沿途追勅

先是花旗股匪闌入長樂時總兵卓興圍攻城下截

斷逆黨趙金福李新明等數千人不能入城初走

興甯屬之中道繼回龍川屬赤岡地方經兵勇迭

擊逸入巖下屯聚招誘萬餘勢將復振自長樂克

復後另派副將鄭紹忠前往督辦八月初十日鄭

克

紹忠等進扼牛皮潭副將朱國雄等由四都通河
馳至上游堵截該逆出抗鄭紹忠等督軍進勒陣
斬騎馬賊三名生擒七十六名焚燬路口賊卡六
座賊退守巖下鄭紹忠揮軍四面圍困逆勢窮威
十一日賊目李新有翟明海等縛獻偽天將趙金
福乞降李藩司斬趙金福於軍前餘黨七千餘人
雜髮繳械陸續遣散

十二日康逆竄至羊羔湖我軍突擊鎗斃偽天將陳
義光賊棄營而奔

十三日林保等伏勁勇於山坳另分兩路包抄康逆
行抵大坪伏兵斬殺偽朝將洪順偽先鋒蕭凱勝
及匪黨五六百名獲偽印一顆康逆大股夜竄黃
陂福建提督高連陞等督率閩軍追斬無數賊至

黃貝嶺巖下其地緊接江境時花旗餘匪勒撫已
盡逆失內援遂於十九二十等日由江廣亭趨逸
江西龍定等處

十四日閩軍追擊康逆洛通興甯縣屬黃陂隊伍在
前輜重軍火在後被土匪擄槍即嚴飭各營就近
查辦起出洋鎗馬匹藥鉛衣服等件交高康兩營

林保周陞各帶部勇駐紮黃陂緝拏各匪
康逆自鎮平竄越龍定信豐一帶方耀督勇攻勦賊

由龍南敗竄和平境內李藩司在興甯查辦劫案
聞警折回飛調各軍赴援

九月初一日偽康王汪海洋由小路突撲和平闌入縣
城方耀鄧安邦各軍馳援賊盡竄連平州屬之忠
信墟隨克和平縣城

初八日汪海洋攻連平州城副將朱國雄督勇禦敵

賊復竄上坪萬山環曲深溝高壘並於下坪煖水

總口密佈炮台層層固守藩司李福泰派同知何

慶齡同方耀鄧安邦等軍進剿時高連陞統領閩

兵由龍門進發總兵劉清亮先抵和平迫賊東面

十月初四日逆黨偽就王賴世就偽天將黃志勉等率

二千餘人赴方耀營降分別遣散

初五日西匪孫義大率眾千餘攻屯陸村分我兵力

經該村勇練擊退

初七日藩司李福泰馳抵連平州

初九日李藩司派都司鄧安邦等帶隊由梯子嶺出

茶亭伏匿山坳方耀督同蔡申等帶隊從麻陂至

火夾嶺與鄧安邦遙相犄角密令都司方鰲等備

帶火器用賴世就為前導由麻波越嶺繞出煖水
口之後已刻各軍先攻煖水口炮台匪黨力抗酣
戰忽炮台內烟焰蔽天知方熬等攻入方鄧各軍
向前猛擊賊冒烟突出傷斃多人煖水口炮台盡
平賊向上坪狂奔方耀等分路橫掃斬級二百五
十六顆生擒四十三名逆因失險焚燒上坪山寨
分股逃向龍南縣屬之楊村白沙

初十日康逆復竄和平屬之大利壩方耀等約同劉

清亮督帶閩軍前後掩攻

十一日逆黨數千由興隆壩徑撲和平東西北門劉

清亮督飭補用總兵李運榮等各領部勇分三路

出城迎敵生擒殲獲甚多興隆壩九子岡賊壘平

毀賊由大利壩遁往長塘下車時候補道吳贊誠

會同方耀督帶鄧安邦等軍由泃泃頭追至下
車賊犇芒洲壩渡河乘其半濟要擊追至章田擬
由麻布岡黃貝嶺分截該逆知大兵追及一晝夜
疾走三百里突抵嘉應州城知州程培霖遊擊英
秀登陴固守
十五日西匪滕爵結來援那扶踞匪直撲我營匪出
協攻我軍退紮那弄村馮詢激勵諸軍圍困那扶
斷其接濟自十一月至十二月收復附近十餘鄉
二十一日賊率馬步死黨四面攻撲嘉應州城竹梯
蟻附兵勇力竭遂被闌入游擊英秀死之其妾呂
氏并一幼女俱被害賊於城外四面建立土城望
台為扼守計
是時李潘司駐紮興甯方耀鄧安邦駐紮興甯縣東

之藍口當嘉應西面一路檄調記名總兵曾敏行
 羅定協副將鄭紹忠扼防南路進紮水車以林保
 梁仕光兩軍副之江閩各軍環集東北提督高連
 陞總兵劉清亮兩軍由新鋪白渡進紮坡嶺延建
 邵道康國器進紮鎮干之三圳壩總兵王開琳前
 抵丙村與潮州遊擊何雲章三河壩各軍相為特
 角劉典一軍分紮武平上杭為北路之後勁浙江
 提督黃少春福建藩司王開榜隨同閩浙總督左
 宗棠進勒為東路之後勁其東南三河壩水路又
 飭由惠潮道張銑募雇快船二十號水陸兼防惟
 西北一路平遠相公亭大坪石正一帶可以橫竄
 江西之長甯北竄龍定西出南雄高侯鮑超一軍
 扼成鎖圍之勢

十二月十二日汪海洋親率死黨衝撲塔子畧閩軍營

盤為招鎬飛子傷斃偽偕王諱體元代統其眾與

胡瞎子等死拒

十七日浙江提督鮑超全軍抵州西北三十里紮營

相公亭

十八日曾敏行鄭紹忠移軍進紮羅衣堡

劉典亦督所部福建福甯鎮總兵劉明燈總兵簡桂

林道貞李耀南等冒雨移軍進紮西洋市

十九日該逆出七樹迤直撲粵軍方耀鄧安邦扼金

雞石坳口列陣以待賊分三路猛撲方耀等自午

至酉鏖戰四時擊斃賊百餘生擒一名我軍陣亡

三名

留閩補用副將署龍巖遊擊賴長督率張陸營營進

記 扼龍津橋並飭各軍於西洋塔造浮橋夫河並進

江軍亦於是日馳紮大坪

十九二十兩日高連陞黃少春王德榜各軍環逼州

東迤北之黃竹洋佛子高曹塘一帶為營道員朱

明亮桂營進駐井塘顧各軍後路

二十日鮑超相營地至平成舖山子下築壘李福泰

亦至州西藍口令方耀鄧安邦所部至古塘坪列

隊與鮑超為犄角譚逆復率悍黨分撲鮑營鮑超

令提督唐仁廉等由中路進已革提督譚勝達等

由左路進總兵曾成武等由右路進以提督李文

益總兵銜副將龔占鰲記名總兵貴州清江協左

營都司羅運昌等分路策應總兵段福記名提督

直隸正定鎮總兵婁雲慶分率各營左右抄擊唐
仁廉等擊退中路之賊左右賊黨蜂擁而來譚勝
達等奮擊斃賊甚衆左路賊潰曾成武鏖戰一時
與已保守備顧惟奇皆受子傷衆創血戰右路賊
敗乘勢追殺婁雲慶率副將徐連陞等橫截之賊
益亂鮑超督各軍掩殺直追至城下斃賊四千餘
名生擒老賊二百餘名我軍陣亡弁勇四十名
二十一日劉典所部總兵張福齋進紮黃坑片菜洋之
間
二十二日亥刻嘉應州城踞逆潛從西南門由小密
出黃沙嶂遁胡瞎子當先譚逆及各賊首斷後劉
明燈簡桂林賴長偵悉率部疾追黃沙嶂一路追
截黃沙嶂者州南狹隘群峯峭削一徑縈紆為嘉

應出新田大田右至豐順左至潮州之間道賊以
數萬之衆冒死出險急不得前劉明燈簡桂林賴
長馳抵半坑斬殺尾賊數百名生擒三十餘名進
至小密遇鄭紹忠安勇營盤彼此不相識別混戰
一時天明始各向黃沙嶂併力追擊復斃賊二千
餘名生擒五百餘名鮑超督所部入州城即派隊
繼進張福齋李耀南追至合溪斃賊不可勝計方
耀鄧安邦由七樹逢三門均大乍堡過汀追擊至
黃沙嶂劉明燈簡桂林賴長緣崖衝殺該逆初猶
死鬥經各軍奮力壓勦喪胆狂奔乘勢斬賊目二
十餘名賊三千餘名生擒千餘名墮崖落澗死者
以數千計馬以數百計解散難民數千名奪獲賊
馬五百餘匹偽印數百顆鎗械無數我軍陣亡勇

丁教名正追殺間高連陞劉清亮又至合兵縱擊
追至土地園賊眾狼奔豕突高連陞劉清亮等奮
力勦殺斃賊極多直至分水坳劉明燈等因將士
夜半出隊窮追竟日饑疲特甚收隊回營高連陞
等追至黎明及賊於大田該逆大股猶抵死奪奔
我軍殺追二十餘里賊尸枕籍脅黨乞降約萬餘
人高連陞受之搜斬叛勇頭目歐陽輝及逆首賴
裕新即賴剝皮之母梟首軍前悍賊越嶺狂竄我
軍四路搜殺又斃賊二千餘名奪賊馬千餘匹鎗
礮五百餘件高連陞劉清亮暫駐大田督隊搜捕
餘賊至長良見高山密林中一黃衣賊擁千餘人
亟飛登山頂逆眾駭奔丁賢發直前奮擊手擒黃
衣賊乃偽總統胡瞎子即胡永祥也餘賊悉降又

搜斬二十里遇粵軍於嶺脊詢知附近並無賊踪
 始收隊回其王德榜一軍由黃沙嶂左路追殺二
 十三夜及賊於北溪該處四圍皆山賊眾遍野我
 軍扼其去路登高呼曰降者棄械上山偽右先鋒
 眉天義曹正科偽前先鋒鈞天義楊世如偽會天
 福何王清偽天將彭大貴偽神將馬有玉及偽天
 義天福彭大元劉福勝等率眾跪求免死王德榜
 受之約四萬人鮑超所部二十三日由黃沙嶂左
 路追至北溪白沙壩何明亮黃矮子等仍思抗拒
 唐仁廉率各營縱擊逆眾大潰各軍連夜躡追唐
 仁廉由兩崖小徑乘夜疾繞賊前二十四日黎明
 該逆復拚死奪路狂衝教次鮑超由小路追及飛
 令唐仁廉等扼擊截作教段屍橫遍地積械如山

兩日共斃賊八千餘名墜崖者難以數計逆眾見
四面被圍二萬餘眾羅拜求生一律免擒查出偽
忠誠天將何明亮偽大佐將何明輝戴禮煌偽佐
將蕭秋林偽朝將黃壽發偽先鋒鍾有誠黃正元
劉明盛偽增天義 度保偽 天安廖大明偽祈
天安楊文魁偽 義袁戴春偽意天豫鍾意興
偽段天福正得盛偽 吳天安陳世路偽衛國侯龍
太賓及張孟元黃茂林黃得勝吳水源張元相及
叛勇頭目黃矮子等陸續誅磔其偽侯丁得泰等
大小頭目七百三十四名軍前正法據各軍報稱
二十三四兩日追至北溪白沙壩距豐順縣四十
里全段殲滅左宗棠即在松口暫駐凡著名桀黠
罪惡貫盈者從嚴懲處情罪可原者免其駢戮給

護票回籍精壯分隸各軍分起遣散東路蕩平

同治五年正月十二日靈山縣馮詢等收復那樓屯底斬

殺偽軍師滕卓維斃匪二百餘名

二十四五六等日馮詢等生擒那扶偽先鋒李忠偃

逆首李達山等七名

二十八凡等日靈山各營緊迫那扶賊巢該匪帶同

老幼軍前乞命當將巨惡正法自那扶以至那杓

共二十三村一誠

二月

團龍村圍

路匪目黃大

焚燒生擒黃

大力等三名偽

黃山青一名斬獲甚多那路

那浪等處共十三村歸順西鄉肅清

粵東勦匪紀畧卷五終

錢唐陳鏗校字

溫州府圖書館

溫州府志